

摛藻堂四庫全書薈要

集部

欽定四庫全書叢要

集部

御定全唐詩卷一百四十六
一至六

詳校官候補通政司經歷臣郭祚熾

欽定四庫全書答會要卷一百七千五百四十六

集部

御定全唐詩卷一百四十一

王昌齡

詠史

開
備至洛陽杖策遊北門天下盡兵甲豺狼滿中原明
夷方遘患顧我徒崩奔自慙菲薄才誤蒙國士恩位重
任亦重時危志彌敦西北未及終東南不可吞進則恥
保躬退乃爲觸藩歎息嵩山老而後知其尊本集詠史
云荷畚至

洛陽胡馬屯北門天下裂其土豺狼滿中原明夷方濟
世斂翼黃埃昏披雲見龍顏始蒙國士恩位重謀亦深
所舉無遺弃長策寄臨終東南不可忘賢智苟
有時貧賤安所論惟然嵩山老而後知我言

雜興

握中銅七首粉剗楚山鐵義士頻報誰殺人不曾缺可
悲燕丹事終被狼虎滅一舉無兩全荆軻遂爲血誠知
匹夫勇何取萬人傑無道吞諸侯坐見九州裂

秋興

日暮西北堂涼風洗脩木著書在南窗門館常肅肅苔

草延古意視聽轉幽獨或問余所營刈黍就寒谷

齋心

女蘿覆石壁溪水幽濛朧紫葛蔓黃花娟娟寒露中朝
飲花上露夜卧松下風雲英化為水光采與我同日月
蕩精魄寥寥天宇一作空

獨遊

林卧情每一作自閒獨遊景常晏時從灞陵下垂釣往南
澗手攜雙鯉魚目送千里鴈悟彼飛一作有適知此罹

憂患放之清冷泉因得省疎慢永懷青岑客迴首白雲

間神超物無違

一作超然
無遺事

豈繫名與宦

香積寺禮拜萬迴平等二聖僧塔

真無御化

一作北
來借昔

有乘化

一作花

歸如彼雙塔內

孰能知是非愚也駭蒼生聖哉為帝師當為時世出不

由天地資萬迴主

一作至

此方平等性無違今我一禮心

億劫同不移肅肅松柏下諸天來有時

就道士問周易參同契

仙人騎白鹿
髮短耳何長
時余采菖蒲
忽見嵩之陽
稽首求丹經
乃出懷中方
披讀了不悟
歸來問稽康
嗟余無道骨
發我入太行

諸官遊招隱寺

山館人已空
青蘿換風雨
自從永明世
月向龍宮吐
鑿井長幽泉
白雲今如古
應真坐松柏
錫杖挂窗戶
口云七十餘
能救諸有苦
回指巖樹花
如聞道場鼓
金色身壞滅
真如性無主
僚友同一心
清光遣誰取

宴南亭

寒江暝村林亭上納鮮潔楚客共閑飲靜坐金管闋酣

竟一作意

日入山暝來雲歸穴城樓空杳靄猿鳥一作鳴

備

清切物狀如絲綸上一作道心爲予決訪君東溪事早晚

樵路絕一作潤

何九於客舍集

客有住桂陽亦如巢林鳥罍觴且終宴功業曾未了山
月空霽時江明高樓曉門前泊舟楫行次入松篠此意

投贈君滄浪風

一作空

裏裏

一作娟娟

洛陽尉劉晏與府掾

縣

諸公茶集天官寺岸

道上人房

良友呼我宿月明懸天宮道安風塵外洒掃青林中削去府縣理豁達神機空自從三湘還始得今夕同舊居太行北遠宦滄溟東各有四方事白雲處處通

觀江淮名勝圖

刻意吟雲山尤知隱淪妙遠公何為者再詣臨海嶠而

我高其風披圖得遺照援毫無逃境遂展千里眺淡掃
荆門煙明標赤城燒青葱林間嶺隱見淮海徼但指香
爐頂無聞白猿嘯沙門既云滅獨往豈殊調感對懷拂
衣胡寧事漁釣安期始遺鳥千古謝榮耀投跡庶可齊
滄浪有孤棹

瀟上閒居

鴻都有歸客偃卧滋陽村軒冕無枉顧清川照我門空
林網夕陽寒鳥赴荒幽一作園廓落時得意懷哉莫與言

庭前有孤鶴欲啄常翩翩爲我銜素帛彼顏與原二
君既不朽所以慰其魂

風涼原上作

陰岑宿雲歸烟霧濕松柏風淒日初曉下嶺望川澤遠
山無晦遺一作明秋水千里白佳氣盤未央聖人在凝碧
關門阻天下信是帝王宅海內方晏然廟堂有奇策時
貞守全運罷去遊說客予忝蘭臺人幽尋免貽責

裴六書堂

閑堂閑空陰竹林一作木但清響窗下長嘯客區中無遺
想經綸精微言兼濟當獨往

江上聞笛

橫笛怨江月扁舟何處尋聲長楚山外曲繞胡關深相
去萬餘里遙傳此夜心寥寥浦澈寒響盡惟幽林不知
誰家子復奏邯鄲音水客皆擁棹空霜遂盈襟羸馬望
北走遷人悲越吟何當邊草白旌節隴一作龍城陰

太湖秋夕

水宿煙雨寒洞庭
霜落微月明移舟去夜靜魂夢歸暗覺海風度蕭蕭聞鴈飛

趙十四兄見訪

客來舒長簾開閣延清風但有無絃琴共君盡尊中晚來常讀易頃者欲獨一作還嵩世事何須道黃精且養蒙

嵇康殊寡識張翰獨知終忽憶鱸魚鱠扁舟往江東

過華陰

雲起太華山雲山一作山色互明滅東峯始含景了了見松

雪羈人感幽棲宵暝轉奇絕欣然忘所疲永望吟不輟
信宿百餘里出闕玩新月何意昨來心一作乍遇物遂
遷别人生屢如此何以肆愉悦

九江口作

漭漭江勢闊雨開潯陽秋驛門是高岸望盡黃蘆洲水
與五谿合心期萬里遊明時無棄才謫去隨孤舟鷺鳥
立寒木丈夫佩吳鉤何當報君恩却繫單于頭

大梁途中作

快快步長道客行渺無端郊原欲下雪天地稜稜寒當時每酣醉不覺行路難今日無酒錢悽惶向誰歎

途中作

遊人愁歲晏早起遵王畿墜葉吹未曉疎林月微微驚禽棲不定寒獸相因依歎此霜露下復聞鴻雁飛渺然江南意惜與中途違羈旅悲壯髮別離念征衣永圖豈勞止明節期所歸寧厭楚山曲無人長掩扉

山行入涇州

倦此山路長停驛問賓御林巒信回惑一作峒林白日

往或回

白日

落何處徙倚望長風滔滔引歸慮微雨隨雲收濛濛傍

山去西臨有邊邑北走盡亭戍涇水橫白烟州城隱寒

樹所嗟異風俗已自少情趣宣伊懷土多一作懷土觸目

一作戀觸目

解物忻所遇

小敷谷龍潭祠作

第十九句
缺一字

崖谷歛疾流地中有雷集百泉勢相蕩巨石皆却立跳
波沸崢嶸深處不可挹昏爲蛟龍怒一作清一作見雲窟

雨入靈怪崇偏祠廢興自茲邑沈淪頃多昧檐宇遂不
葺吾聞被明典盛德惟世及生人載山川血食報原隰
豈伊駭微險將以循毗揖 飛振呂梁忠信亦我習波
流浸已廣悔吝在所汲谿水有清源褰裳靡沾濕

段宥廳孤桐

鳳皇所宿處月映孤桐寒槁葉零落盡空柯蒼翠殘虛
心誰能見直影非無端響發調尚苦清商勞一彈

琴

孤桐秘虛鳴樸素傳幽真髮鬢紋指外遂見初古人意
遠風雪苦時來江山上一作春高宴未終曲誰能辨經綸

初日

初日淨金闕先照牀前暖斜光入羅幕稍稍親絲管雲
鬟不能梳楊花更吹滿

失題

姦雄乃得志遂使羣心搖赤風蕩中原烈火無遺巢一
人計不用萬里空蕭條

贈宇文中丞

木暢
當詩

僕本濩落人辱當州郡使量力頗及早謝歸今即已蕭
蕭若凌虛衿帶頃消靡車服卒然來洛陽作遊子鬱鬱
寡開顏默默獨行李忽逢平生友一笑方在此秋清寧
風日楚思浩雲水爲語弋林者冥冥鴻遠矣

箜篌引

盧谿郡南夜泊舟

盧谿在辰州龍標故地即馬援歌中武溪水所出也或作瀘溪者非夜

聞雨

一作南

岸羌戎謳其時月黑猿啾啾微雨沾衣令人

愁有一遷客登高樓不言不寐彈箜篌彈作薊門桑一
葉

葉秋風沙颯颯青塚頭將軍鐵騎汗血流深入匈奴

戰未休黃旗一點兵馬收亂殺胡人積如丘瘞病驅來

配一作役

邊州仍披漠北羔羊裘顏色飢枯掩面羞眼眶

淚滴深兩眸思還本鄉食羶牛欲語不得指咽喉或有

強壯能呻嘆意說被他邊將讎五世屬藩漢主留碧毛

氈帳河曲遊橐駝五萬部落稠勅賜飛鳳金兜鍪爲君

百戰如過籌靜掃陰山無鳥投家藏鐵券特承優黃金

千一作百

斤不稱求九族分離作楚囚深谿寂寞絃苦幽

草木悲感聲颶颶僕本東山

一作山東為國憂明光殿前論

九疇麓讀兵書盡冥搜為君掌上施權謀洞曉山川無

與儔紫宸詔發遠懷柔搖筆飛霜如奪鈞鬼神不得知

其由憐愛蒼生比蚍蜉一作緣

河屯兵須漸抽盡遣降

來拜御溝便令海內休戈矛何用班超定遠侯史臣書

之得已不

烏棲曲

白馬逐朱車黃昏入狹邪

一本重狹
邪二字

柳樹烏爭宿爭枝

未得飛上屋東房少婦壻從軍每聽烏啼知夜分

城傍曲

秋風鳴桑條草白孤兔騎邯鄲飲

一作飯
又作飽

來酒未消城

北原平掣皂鵠射殺空營兩騰虎迴身却月佩弓消

行路難

雙絲作綆繫銀瓶百尺寒泉轆轤上懸絲一絕不可望
似妾傾心在君掌人生意氣好還捐只重狂花不重賢

宴罷調箏奏離鶴迴嬌轉盼泣君前君不見眼前事豈

保須臾心勿異西山日下雨足稀側有浮雲無所寄但

願莫忘前者言剗骨黃塵亦無愧行路難勸君酒莫辭

煩一作勸酒

莫辭煩

美酒千鐘猶可盡心中片愧一作恨何可論

一聞漢主思故劍使妾長嗟萬古魂

奉贈張荊州

祝融之峰紫雲銜翠如何其雪嶺嵒崿西有路緣石壁
我欲從之卧穹嵌魚有心兮脫綱畧江無人兮鳴楓杉

王君飛鳥一作鳥仍未去蘇耽宅中意遙緘

御定全唐詩卷一百四十一

欽定四庫全書
唐詩卷一百四十二

集部

御定全唐詩卷一百四十二

王昌齡

駕出長安

一作宋
之間詩

聖德超千古
皇風扇九圍
天迴萬象出
駕動六龍飛
淑氣來黃道
祥雲覆紫微
太平多扈從
文物有光輝

駕幸河東

晉水千盧合
汾橋萬國從
開唐天業盛
入沛聖恩濃
下

輦迴三象題碑任六龍睿明懸日月千歲一作載此時逢

胡笳曲

城南虜已合一夜幾重圍自有金笳引能露出塞衣

一作

能令出塞飛聽臨關月苦清入海風微三奏高樓曉胡人掩

涕歸

潞府客亭寄崔鳳童

蕭條郡城閉旅館空寒烟秋月對愁客山鐘搖暮天新
知偶相訪斗酒情依然一宿阻長會清風徒滿川

和振上人秋夜懷士會

白露傷草木山風吹夜寒遙林夢親友高興發雲端一作巖
巒郭外秋聲急城邊月色殘瑤琴多遠思更為客中彈

送李擢遊江東

清洛日夜漲微風引孤舟離腸一作觴便千里遠夢生江

樓楚國橙橘暗吳門煙雨愁東南具今古歸望山雲秋

一作

沙苑南渡頭

秋霧連雲白歸心浦漱懸津人空守纓村館復臨川篷

一作峯

隔蒼茫雨波連

一作通演

漾田孤舟未得濟入夢在

何年

客廣陵

樓頭廣陵近九月在南徐秋色明海縣寒烟生里閭夜
帆歸楚客昨日度江書為問易名叟垂綸不見魚

靜法師東齋

築室

一作山

在人境遂得真隱情春盡草木變雨來池館

清琴書全雅道視聽已無生閉戶脫三界白雲自虛盈

素上人影塔

物化同枯木希夷明月珠本來生滅盡何者是虛無一
坐看如故千齡獨向隅至人非別有方外不應殊

遇薛明府謁聰上人

欣逢柏梁故共謁聰公禪石室無人到繩牀見虎眠陰
崖常抱雪枯澗爲生泉出處雖云異同歡在法筵

謁焦鍊師

中峰青苔壁一點雲生時豈意石堂裏得逢焦鍊師爐

香淨琴

一作金

案松影闊瑤墀拜受長年藥翩翻西海期

宿京江口期劉春虛不至

霜天起長望殘月生海門風靜夜潮滿城高寒氣昏故
人何寂寞久已乖清言明發不能寐徒盈江上尊

寒食即事

晉陽寒食地風俗舊來傳雨滅龍蛇火春生鴻雁天泣
多流水灑歌發舞雲旋西見之推廟空爲人所憐

九日登高

青山遠近帶皇州
霽景重陽上北樓
雨歇亭臯仙菊潤
霜飛天苑御梨秋
茱萸插鬢花宜壽
翡翠橫釵舞作愁
謾說陶潛籬下醉
何曾得見此風流

萬歲樓

江上巍巍萬歲樓
不知經歷幾千秋
年年喜見山長在
日日悲看水獨流
猿狹何曾離暮嶺
鷓鴣空自泛寒洲
誰堪登望雲烟裏
向晚茫茫發旅愁

夏月花萼樓酺宴應制

土德三元正堯心萬國同汾陰備冬禮長樂應和風賜慶垂天澤流歡舊渚宮樓臺生海上簫鼓出天中霧曉筵初接宵長曲未終雨隨青幕合月照一作向舞羅空玉

陛分朝列文章發聖聰愚臣忝書賦歌詠頌絲桐

送歐陽會稽之任

懷祿貴心賞東流山水長官移會稽郡地邇上虞鄉緩帶屏紛雜漁舟臨訟堂逶迤迴谿趣一作曲猿嘯飛鳥行

萬室霽朝雨千峰迎夕陽輝輝遠洲暝曖曖澄湖一作江

光白髮有高士青春期上皇應須枉車歛

一作過爲我訪

荷裳

同王維集青龍寺曇壁上人兄院五韻

本來清淨所竹樹引幽陰簷外含山翠人間出世心圓通無有象聖境不能侵真是吾兄法何妨友弟深天香自然會靈異識鐘音

東谿翫月一作王維詩

月從斷山口遙吐柴門端萬木分一作空霽流陰中夜

紛

空霽流陰中夜

攢光連虛象白氣與風露寒谷靜秋泉響巖深青靄殘
澄清入幽夢破影抱空巒恍惚琴窗裏松谿曉思難

御定全唐詩卷一百四十二

欽定四庫全書
欽定全唐詩卷一百四十三

集部

御定全唐詩卷一百四十三

王昌齡

朝來曲

月昃鳴珂動花連繡户春盤龍玉臺鏡唯待畫眉人

從軍行

大將軍出戰白日暗榆關三面黃金甲單于破膽還

答武陵田太守

仗一作劍行千里微軀感一言曾爲大梁客不負信陵恩

題灞池二首

腰鎌欲何之東園刈秋韭世事不復論悲歌和樵叟
開門望長川薄暮見漁者借問白頭翁垂綸幾年也

題僧房

櫻櫻花滿院苔蘚入閑房彼此名言絕空中聞異香

擊磬老人

雙峰褐衣久一磬白眉長誰識野人意徒看春草芳

送胡大

荆門不堪別况乃瀟湘秋何處遙望君江邊明月樓

送郭司倉

映門淮水綠留騎主人心明月隨良掾春潮夜夜深

送李十五

怨別秦楚深江中秋雲起天長杳無隔月影在寒水

送張四

楓林已愁暮楚水復堪悲別後冷山月清猿無斷時

武陵田太守席送司馬盧谿

諸侯分楚郡飲餞五谿春山水清暉遠俱憐一逐臣

送譚八之桂林

客心仍在楚江館復臨湘別意猿鳥外天寒桂水長

送劉十五之郡

平明江霧寒客馬江上發扁舟事洛陽窅窅含楚月

從軍行七首

烽火城西百尺樓黃昏獨上一作坐海風秋更吹羌一作橫

笛聞山月無那一作誰解金闕萬里愁

琵琶起舞換新聲總是關山舊一作離別情撩亂邊愁聽

一作彈不盡高高秋月照長城

關城榆葉早疏黃日暮雲沙古戰場表請回軍掩塵骨
莫教兵士哭龍荒

青海長雲暗雪山孤城遙望玉一作雁門關黃沙百戰穿

金甲不破樓蘭終一作竟不還

大漠風塵日色昏
紅旗半捲出轅門
前軍夜戰洮河北
已報生擒吐谷渾

胡瓶落膊紫薄汗
碎葉城西秋月圓
明敕星馳封寶劒

醉君一夜取樓蘭

統籤注云薄
汗疑作駿鶻

玉門山嶂幾千重
山北山南總是烽
人依遠戍須看火
馬踏深山不見蹤

出塞二首

秦時明月漢時關
萬里長征人未還

一作征夫尚

但使龍城

飛將在不教胡馬度陰山

骝馬新跨白玉鞍
戰罷沙場月色寒
城頭鐵鼓聲猶振
匣裏金刀血未乾

采蓮曲二首

吳姬越豔楚王妃
爭弄蓮舟水濕衣
來時浦口花迎入
采罷江頭月送歸

荷葉羅裙一色裁
芙蓉向臉兩邊開
亂入池中看不見
聞歌始覺有人來

殿前曲二首

貴人妝梳殿前催
香風吹入殿後來
仗引笙歌大宛馬
白蓮花發照池臺

胡部笙歌西殿頭
梨園弟子和涼州
新聲一段高樓月
聖主千秋樂未休

春宮曲

唐人絕句
作殿前曲

昨夜風開露井桃
未央前殿月輪高
平陽歌舞新承一

新承
寵簾外春寒賜錦袍

西宮春怨

西一作空

宮夜靜百花香欲捲珠簾春恨長斜抱雲和深

渾一作見

月朦一作朧

樹色隱一作隔

昭陽

西宮秋怨

芙蓉不及美人妝水殿風來珠翠香誰分

一作問

含啼一作

却恨掩秋扇空懸明月待君王

長信秋詞五首

金井梧桐秋葉黃珠簾不捲夜來霜熏

一作金

籠一作爐

玉

枕無顏色臥聽南宮一作官中清漏長

高殿秋砧響夜闌霜深猶憶御衣寒銀燈青瑣裁縫歇

還向金城明主看

奉帚平明金

一作秋殿開且將團扇暫

一作共

襄回玉顏不

及寒鴉色猶帶昭陽日影來

真成薄命久尋思夢見君王覺後疑火照西宮知夜飲
分明複道奉恩時

長信宮中秋月明昭陽殿下擣衣聲白露堂中細草跡

紅羅帳裏不勝情

青樓曲二首

白馬金鞍從武皇旌旗十萬宿長楊樓頭小婦鳴箏坐
遙見飛塵入建章

馳道楊花滿御溝紅妝縵綰上青樓金章紫綬千餘騎
夫婿朝回初拜侯

青樓怨

香幃風動花入樓高調鳴箏緩夜愁腸斷關山不解說

依依殘月下簾鉤

浣紗女

銀塘江畔是誰家江上女兒全勝花吳王在時不得出
今日公然來浣紗

閨怨

閨中少婦不曾愁春日凝妝上翠樓忽見陌頭楊柳色
悔教夫婿覓封侯

甘泉歌

乘輿軌玉已登壇細草霑衣春殿寒昨夜雲生拜初月

萬年甘露水晶盤

蕭駙馬宅花燭

青鸞飛入合歡宮紫鳳銜花出禁中可憐今夜千門一作

家裏銀漢星回一作一道通

觀獵

角鷹初下秋草稀鐵驄拋鞬去如飛少年獵得平原兔

馬後一作上橫捎意氣歸

寄穆侍御出幽州

一從恩謫度瀟湘塞北江南萬里長莫道薊門書信少
鴈飛猶得到衡陽

寄陶副使

聞道將軍破海門如何遠謫渡湘沅春來明主封西嶽
自有還君紫綬恩

至南陵答皇甫岳

與君同病復漂淪昨夜宣城別故人明主恩深非歲久

長江還共五谿濱

西江寄越弟

南浦逢君嶺外還
沅谿更遠洞庭山
堯時恩澤如春雨
夢裏相逢同入闕

李四倉曹宅夜飲

霜天留後一作飲
故情歡銀燭金爐夜不寒
欲問吳江別
來意處一作處青山明月夢中看

宴春源

源向春城花幾重江深深翠引諸峰與君醉失松溪路

山館寥寥傳暝鐘

龍標野宴

沅溪夏晚足涼風春酒相攜就竹叢莫道絃歌愁遠謫
青山明月不曾空

聽流人水調子

孤舟微月對楓林分付鳴箏與客心嶺色千重萬重雨
斷絃收與淚痕深

梁苑

梁園秋竹古時烟
城外風悲欲暮天
萬乘旌旗何處在
平臺賓客有誰憐

武陵龍興觀黃道士房問易因題一作贈

齋心問易太陽宮
八卦真形一氣中
仙老言餘鶴飛去
玉清壇上雨蒙蒙

送魏二

醉別江樓橘柚香
江風引雨入舟涼
憶君遙在瀟湘月

一作上一
愁聽清猿夢裏長
作湘山月

別李浦之京

故園今在灞陵西江畔逢君醉不迷小弟鄰莊尚漁獵
一封書寄數行啼

送狄宗亨

秋在水清山暮蟬洛陽樹色鳴臯烟送君歸去愁不盡
又惜空度涼風天

送薛大赴安陸

津頭雲雨暗湘山遷客離憂楚地顏遙送扁舟安陸郡

天邊何處穆陵關

芙蓉樓送辛漸二首

寒雨連天夜入湖平明送客楚山孤洛陽親友如相問

一片冰心在玉壺

丹陽城南秋海陰丹陽城北楚雲深高樓送客不能醉

寂寂寒江明月心

重別李評事

莫道秋江離別難舟船明日是長安吳姬緩舞留君醉

隨意青楓白露寒

別陶副使歸南海

南越歸人夢海樓廣陵新月海亭秋寶刀留贈長相憶

當取戈船萬戶侯

送人歸江夏

寒江一作天綠水楚雲深莫道離憂遷遠心曉夕雙帆歸

鄂渚愁將孤月夢中尋

送李五

玉盃金罍傾送君江西日入起黃雲扁舟乘月暫來去
誰道滄浪吳楚分

送十五舅

深林秋水近日空歸棹演漾清陰中夕浦離觴意何已
草根寒露悲鳴蟲

留別郭八

長亭駐馬未能前井邑蒼茫含暮煙醉別何須更惆悵

回頭不語但一作便垂鞭

送竇七

清江月色傍林秋
波上熒熒望一舟
鄂渚輕帆須早發
江邊明月為君留

巴陵送李十二

搖曳巴陵洲
渚分清江處
傳語便風聞
山長不見秋城色
日暮蒹葭空水雲

送裴圖南

黃河渡頭歸問津離家幾日茱萸新漫道閨中飛破鏡
猶看陌上別行人

留別司馬太守

辰陽太守念王孫遠謫沅溪何可論黃鶴青雲當一舉
明珠吐着報君恩

盧溪主一作人

別

武陵溪口駐扁舟溪水隨君向北流行到荆門上三峽
莫將孤月對猿愁

送程六

冬夜傷一作觴離在五溪青魚雪落鱠橙虀武岡前路看

斜月片片舟中雲向西

送朱越

遠別舟中蔣山暮君行舉首燕城路薊門秋月隱黃雲
期向金陵醉江樹

別辛漸

別館蕭條風雨寒扁舟月色渡江看酒酣不識關西道

却望春江雲尚殘

送柴侍御

流水通波接武岡
送君不覺有離傷
青山一道同雲雨
明月何曾是兩鄉

送萬大歸長沙

桂陽秋水長
沙縣楚竹離
聲為君變
青山隱隱孤舟微

白鶴雙飛忽相見

送吳十九往沅陵

沅江流水到辰陽谿口逢君驛路長遠謫誰一作知望

雷雨明年春水共還鄉

別皇甫五

澈浦潭陽隔楚山離尊不用起愁顏明祠靈響期昭應
天澤俱從此路還

送崔參軍往龍溪

龍溪只在龍標上秋月孤山兩相向謫謫離心是丈夫

鴻恩共待春江漲

送鄭判官

東楚吳山驛樹微
軺車銜命奉恩輝
英僚擣出新豐酒

半道遙看驄馬歸

送姚司法歸吳

吳掾留觴楚郡心
洞庭秋雨海門陰
但令意遠扁舟近

一作送不道滄江百丈深

送高三之桂林

留君夜飲對瀟湘
從此歸舟客夢長
嶺上梅花侵雪暗

歸時還拂桂花香

旅望

一作出
塞行

白花

一作草原頭上

望京師黃河水流無盡時窮秋曠

野行人絕馬首東來知是誰

題朱鍊師山房

叩齒焚香出世塵齋壇鳴磬步虛人百花仙醞能留客
一飯胡麻度幾春

武陵開元觀黃鍊師院三首

松間白髮黃尊師童子燒香禹步時欲訪桃源入溪路
忽聞雞犬使人疑

先賢盛說桃花源塵忝何堪武陵郡聞道秦時避地人
至今不與人通一作問

山觀空虛清靜門從官役吏擾塵喧暫因問俗到真境
便欲投誠依道源

河上老人歌一作河上歌

河上老人坐古槎合丹只用青蓮花至今八十如四十

口道滄溟是我家

春怨

樂府近代曲載蓋羅縫二首前一曲乃王昌齡出塞第一首第二曲即此詩也不著

作者姓名

音書杜絕白狼西桃李無顏黃鳥啼寒雁春深歸去盡
出門腸斷草萋萋

句

朝薦抱良策獨倚江城樓

述情詩式

昨從金陵邑遠謫沅

溪濱

沅志

娟魄已三孕

以下海錄碎事

駕幸溫泉日嚴霜子

月初長亭酒未醒千里風動地

以下河嶽英靈集

蒼荻寒

滄江石頭岸邊飲天仗森森練雪凝身騎鐵馬馳自臂

鷹

御定全唐詩卷一百四十三

欽定四庫全書
全唐詩卷一百四十四

集部

御定全唐詩卷一百四十四

常建

常建開元中進士第大歷中爲盱眙尉詩似初發通莊
却尋野徑百里之外方歸大道其旨遠其興僻佳句輒
來唯論意表淪于一尉士論悲之詩一卷

送陸擢

聖代多才俊一作秀陸生何考槃南山高松樹不合空摧

殘九月湖上別北風秋雨寒殷勤歎孤鳳早食金琅玕

送李十一尉臨溪

泠泠花下琴君唱渡江吟天際一帆影預懸離別心以言神仙尉因致瑤華音回軫撫商調越溪一作聲澄碧林

江上琴興

江上調玉琴一弦清一心泠泠七弦遍萬木澄幽陰一作音能使江月白又令江水深始知梧桐枝可以徽黃金

湖中晚霽

湖廣舟自輕江天欲澄霽是時清楚望氣色猶霾
躡金霞白波上日初麗烟虹落鏡中樹木生天際杳杳
涯欲辨蒙蒙雲復閉言乘一作垂星漢明又覩寰瀛勢微
興從此愜悠然不知歲試歌滄浪清遂覺乾坤細豈念
客衣薄將期永投袂遲回漁父間一鴈聲嘹唳

宿王昌齡隱居

清溪深不測一作極隱處唯孤雲松際露微月清光猶為
君茅亭宿花影藥院滋苔紋余亦謝時去西山鸞鶴群

送楚十少府

微風吹霜氣寒影明

一作流

前除落日未能別蕭蕭林木

虛愁煙閉千里仙尉其何如因送別鶴操贈之雙鯉魚

鯉魚在金盤別鶴哀有餘心事則如此請君開素書

張山人彈琴

君去芳草綠西峰彈玉琴豈惟丘中賞兼得清煩襟朝

從山口還出嶺聞清

一作幽

音了然雲霞氣

一作意

照見天

地心玄鶴下澄空翩翩舞松林改弦扣

一作和

商聲又聽

飛龍吟稍覺此身妄漸知仙事深其將鍊金鼎永矣

一作

以投吾簪

白湖寺後溪宿雲門

落日山水清亂流鳴淙淙舊浦雨抽節新花水對窓溪
中日已落歸鳥多爲雙杉松引直路出谷臨前湖洲渚
晚色靜又觀花與蒲入溪復登嶺草淺寒流速圓月明
高峰春山因獨宿松陰澄初夜曙色分遠目日出城南
隅青青媚川陸亂花覆東郭碧氣銷長林四郊一清影

千里歸寸心前瞻王一作去程促却戀雲門深異景有餘

興到家彈玉琴

閑齋卧病

一作雨

行藥至山館稍次湖亭二首

一作一首

旬時結陰霖簾外初白日齋沐清病容心魂畏虛

一作靈

室闊梅照前戶明鏡悲舊質同袍四五人何不來問疾

行藥至石壁東風變萌芽主人門外

一作人

山門綠小隱湖

中花時物堪獨往春帆宜別家辭君嚮滄海爛熳從天

涯

塞上曲

翩翩雲中使來問太原卒百戰苦不歸刀頭怨明月
卷雲隨陣落寒日傍一作旁城沒城下有寡妻哀哀哭枯骨
仙谷遇毛女意知是秦宮人

溪口水石淺泠泠藥叢入溪雙峰峻松枯疎幽風垂
頸枝一作竹嫋嫋翳泉花濛濛夤緣霽人目路盡心彌通

盤石橫陽崖前流一作陪殊未窮回潭清雲影瀰漫長天
空水邊一神女千歲爲玉童羽毛經漢代珠翠逃秦宮

目覩神已寓鶴飛言未終
祈君青雲祕願謁黃仙翁嘗
以耕玉田龍鳴西頂中金梯與天接
幾日來相逢

夢太白西峰

夢寐昇九崖杳靄逢元君遺我太白峰

一作寥寥辭垢

氣結守在星漢宴林閒氤氳簷楹覆餘翠巾鳥生片雲

時往溪水

一作谷

間孤亭晝仍曛松峰引天影石瀨清霞

文恬目緩舟趣霽心投鳥羣春風又搖櫂潭島花紛紛

鄂渚招王昌齡張儕

刈蘆曠野中沙土

一作上

飛黃雲天晦無精光茫茫悲遠

君楚山隔湘水湖畔落日曛春鴈又北飛音書固難聞

謫居未爲歎讒枉何由分午日逐蛟

一作蛇

龍宜爲弔冤

文翻覆古共然名

一作官

宦安足云貧士任枯槁捕魚清

江漬有時荷鉏犁曠野自耕耘不然春山隱溪澗花

一作

何氤氳山鹿自有場賢達亦顧羣二賢歸去來世上徒

紛紛

春詞二首

樂府詩題作陌上桑一本連後
階下草猶短一首共作三首

莞莞黃柳絲濛濛雜花垂日高紅妝卧倚對樹一作春光

風一作遲寧知傍淇水驪裏黃金羈

翳翳陌上桑南枝交北堂美人金梯出素手自提筐非但畏一作爲蠶飢盈盈嬌路傍

晦日馬鎧曲稍次中流作

夜寒宿蘆葦曉色明西林初日在川上便澄遊子心秦一作晴天無纖翳郊野浮春陰波靜隨釣魚舟小綠水深

出浦見千里曠然諧遠尋扣船應漁父因一作同唱滄浪

吟

古意

一本連後古意
三首共作四首

牧馬古道傍道傍多古墓蕭條愁殺人蟬鳴白楊樹迴頭望京邑合沓生塵霧富貴安可常歸來保貞素

宿五度溪仙人得道處

五度溪上花生根依兩崖二月尋片雲願宿秦人家上見懸崖崩下見白水湍仙人彈碁處石上青蘿盤無處求玉童翳翳唯林巒前溪遇新月聊取玉琴彈

西山

一身爲輕舟落日西山際常隨去帆影遠接長天勢物
象歸餘清林巒分夕麗亭亭碧流暗日入孤霞繼渚日
遠陰映湖雲尚明霽林昏楚色來岸遠荆門閉至夜轉
清迥蕭蕭北風厲沙邊鴈鶩泊宿處蒹葭蔽圓月逗前
浦孤琴又搖曳冷然夜遂深白露沾人袂

春詞

階下草猶短牆頭梨花白織女高樓上停梭顧行客問

君在何所青鳥舒錦翮

贈三侍御

高山臨大澤正月蘆花乾陽色薰兩崖不改青松寒士
賢守孤貞古來皆共難明君錯甚一作任才臺上飛三鸞

操與霜雪明量與江海寬束身視天涯安能窮波瀾孤
鶴在枳棘一枝非所安逸翮望絕霄見欲凌雲端層臺
何其高山石流洪湍固知非天池鳴躍同所歡誰念獨
枯槁四十長江干責躬貴知已効拙從一官折翮悲高

風苦飢候朝食湖月映大海天空何漫漫托身未知所
謀道庶不刊吟彼喬木詩一夕常三歎

第三峰

西山第三頂茅宇依雙松杳杳欲至天雲梯升幾重瑩
魄澄玉虛以求鸞鶴蹤逶迤非天人執節乘赤龍旁映
白日光縹渺輕霞容孤輝上煙霧餘影明心胸願與黃
麒麟欲飛而莫從因寂清萬象輕雲自中峰山暝學棲
鳥月來隨暗蓋尋空靜餘響嫋嫋雲溪鐘

古興

漢上逢老翁江口爲僵屍白髮沾黃泥遺骸集烏鵲機
巧自此忘精魄今何之風吹釣竿折魚躍安能施白水
明汀洲菰蒲冒深波唯留扁舟影繫在長江湄突兀枯
松枝悠揚女蘿絲託身難憑依生死焉相知徧觀今時
人舉世皆爾爲將軍死重圍漢卒猶爭馳百馬同一銜
萬輪同一規名與身孰親君子宜固思

高樓夜彈箏

高樓百餘尺直上江水平明月照人苦開簾彈玉箏山
高猿狹急天靜鴻鴈鳴曲度猶未終東峰霞半生

客有自燕而歸哀其老而贈之

羸馬朝自燕一身爲二連憶親拜孤塚移葬雙陵前幽
願從此畢劍心因獲全孟冬寒氣盛撫轡告言旋碣石
海北門餘寇惟朝鮮離離一寒騎嫋嫋馳白天生別皆
自取况爲士卒先寸心漁陽興落日旌竿懸

白龍窟汎舟寄天台學道者

夕映翠山深餘暉在龍窟扁舟滄浪意澹澹花影沒西
浮入天色南望對雲闕因憶苦苔峰初陽濯玄髮泉蘿
兩幽映松鶴間清越碧海瑩子神玉膏澤人骨忽然為
枯木微興遂如兀應寂中有天明心外無物環迴從所
汎夜靜猶不歇澹然意無限身與波上月

張天師草堂

靈溪宴清宇傍倚枯松根花藥繞方丈瀑泉飛至門四
氣閉炎熱兩崖改明昏夜深月斂皎亭午朝始瞰信是

天人居幽幽寂無喧萬壑應鳴磬諸峰接一魂遂登仙
子谷因醉田生一作中樽時節開玉書宵映飛天言心化

便一作更無影日精焉累煩忽而興一作舉霄漢寥落空南

軒

古意三首

二妃方訪舜萬里南方懸遠道隔江漢孤舟無歲年不
知蒼梧處氣盡呼青天愁淚變楚竹蛾眉喪湘川後人
立爲廟累世稱其賢過客設祠祭狐狸來坐邊懷古未

忍還猿吟徹空山

明月照高閣綵女褰羅幕歌舞臨碧雲簫聲沸珠箔青
鸞鷺臨南海天上雙白鶴萬里齊翼飛意求君門樂玉霄
九重閉金鎖夜不開兩翅自無力愁鳴雲外來態深入
一作人空貴世屈無良媒俛仰顧中禁東飛白玉臺

楚王竟何去獨自留巫山偏使世人見迢迢江漢間駐
舟春溪裏皆願拜靈顏寤寐見神女金沙鳴珮環閑鑿
絕世姿令人氣力微含笑竟不語化作朝雲飛

漁浦

春至百草綠波澤聞鶴鷺別家投釣翁今世滄浪情漚
紵爲縕袍折麻爲長纓榮譽失本真怪人浮此生碧水
月自闊安流淨而平扁舟與天際獨往誰能名

空靈山應田叟

湖南無村落山舍多黃茆淳朴如太古其人居鳥巢牧
童唱巴歌野老亦獻嘲泊舟問溪口言語皆啞咬土俗
不尚農豈暇論肥磽莫僂射禽獸浮客烹魚鮀余亦果

置人獲麋今尚苞敬君中國來願以充其庖日入聞虎
關空山滿咆哮懷人雖共安異域終難交白水可洗心
采薇可為肴曳策背落日江風鳴稍稍

太公哀晚遇

日出渭流白文王畋獵時釣翁在蘆葦川澤無熊羆詔
書起遺賢匹馬令一作今致辭因稱江海人臣老筋力衰
遲遲詣天車快快一作快快悟靈龜兵馬更不獵君臣皆共

怡同車至咸陽心影無磷縕四牡玉墀下一言為帝師

王侯擁朱門軒蓋曜長達古來榮華人遭遇誰知之落日懸桑榆光景有頓虧倏忽一作悲天地人雖貴將何為

昭君墓

漢宮豈不死異域傷獨

一作猶傷

沒萬里駛黃金蛾眉為枯

骨迴車

一作軍

夜出塞立馬皆不發共

一作憤

恨丹青人墳

上哭明月

弔王將軍墓

嫖姚北伐時深入強

一作幾

千里戰餘落日黃軍敗鼓聲

死嘗聞漢飛將可奪單于壘今與山鬼鄰殘兵哭遼水

古意

井底玉冰洞地明琥珀轆轤青絲索仙人騎鳳披彩霞
挽上銀瓶照天閣黃金作身雙飛龍口銜明月噴芙蓉
一時渡海望不見曉上青樓十二重

古興

轆轤井上雙梧桐飛鳥銜花日將沒深閨女兒莫愁年
玉指冷冷怨金碧石榴裙裾蝶飛見人不語顰蛾眉

青絲素絲紅綠絲織成錦衾常爲誰

張公子行一作古意

日出乘釣舟。嫋嫋持釣竿。涉淇傍荷花。驄馬閑金鞍。
俠客一作使君。白雲中腰間懸轆轤。出門事嫖姚。爲君西擊胡。

胡兵漢騎相馳逐。轉戰孤軍西海一作西北曲。百尺旌

竿沈黑雲邊。笳落日不堪聞。

題破山寺後禪院

清晨入古寺。初日照高林。竹一作曲逕通幽處。禪

房花木深山光悅鳥性潭影空人心萬籟此都寂但餘

鐘磬音

送李大都護

單于雖不戰都護事邊深君執幕中秘能爲高士心海
頭近初月磧裏多愁陰西望郭猶子將分淚滿襟

潭州留別

賢達不相識偶然交已深宿帆謁郡佐帳別依禪林湘
水流入海楚雲千里心望君杉松夜山月清猿吟

聽琴秋夜贈寇尊師

琴當秋夜聽况是洞中人一指指應法一聲聲爽神寒
蟲臨砌急一作默清吹裏燈頻何必鍾期耳高閑自可親

泊舟盱眙

泊舟淮水次霜降夕流清夜久潮侵㟁天寒月近城平
沙依鴈宿候館聽雞鳴鄉國雲霄外誰堪羈旅情

江行

平湖四無際此夜泛孤舟明月異方意吳歌令客愁鄉

園碧雲外兄弟淚江頭萬里無歸信傷心看斗牛

燕居

青苔常滿路流水復入林遠與市朝隔日聞雞犬深寥寥丘中想渺渺湖上心嘯傲轉無欲不知成陸沈

送宇文六

花映垂楊漢水一作水微清微一作曉風林裏一枝輕即今江北還如此愁殺江南離別情

落第長安

家園好在尚一作住留秦耻作明時失路人恐逢故里鶯

花笑且向長安度一春

塞下

鐵馬胡裘出漢營分麾百道救龍城左賢未遁旌一作斬竿折過在將軍不在兵

題法院

勝景門閑一作開對遠山竹深松老半含煙皓一作皎月

殿中三度磬水晶宮裏一僧禪

嶺猿

杳杳裏裏一作淒淒清且切鷓鴣飛處又斜陽相思嶺上相思淚不到聲聲合斷腸

三日尋李九莊

雨歇楊林東渡頭永和三日盪輕舟故人家在桃花岸直到門前溪水流

塞下曲四首

玉帛朝回望帝鄉烏孫歸去不稱王天涯靜處無征戰

兵氣銷爲日月光

北海陰風動地來明君祠上望龍堆髑體皆是長城卒
日暮沙場飛作灰

龍鬪雌雄勢已分山崩鬼哭恨將軍黃河直北千餘里
冤氣蒼茫成黑雲

因嫁單于怨在邊蛾眉萬古葬胡天漢家此去三千里
青塚常無草木煙

戲題湖上

湖上老人坐磯

一作島

頭湖裏桃花水却流竹竿嫋嫋波

無

一作白波

際不知何者吞吾鉤

吳故宮

越女歌長君且聽芙蓉香滿水邊城豈知一日終非主
猶自如今有怨聲

御定全唐詩卷一百四十四

欽定四庫全書
欽定全唐詩卷一百四十五

集部

御定全唐詩卷一百四十五

杜頴

一作顏

杜頴開元十五年同王昌齡登第詩二首

從軍行

秋草馬蹄輕角弓持弦急去爲龍城候正值胡兵襲軍
氣橫大荒戰酣日將入長風金鼓動白露一作霧鐵衣濕
四起愁邊聲南轅時佇立斷蓬孤自轉寒雁飛將及萬

里雲沙漲平川

一作路平

冰靉溢

一作澀

夜聞漢使歸獨向刀

環泣

故絳行

君不見銅鞮觀數里城池已蕪漫君不見虎祁

一作祁虎宮

幾重臺榭亦微濛介馬兵車全盛時歌童舞女妖豔姿
一代繁華皆共絕九原唯望塚纍纍

李嶷

李嶷開元十五年進士第官左武衛錄事殷璠稱其詩

鮮潔有規矩其少年行三首詞雖不多翩翩然俠氣在

羽羽

目今存詩六首

少年行三首

十八羽林郎戎衣侍

一作事又作從漢

王臂鷹金殿側挾彈玉

輿傍馳道春風起陪遊出建章

侍獵長楊下承恩更射飛塵生馬影滅箭落雁行稀薄

暮隨天仗聯翩入瑣闈

玉劒膝邊一作旁橫金杯馬上傾朝遊茂陵道夜宿鳳凰

城豪吏一作俠 多猜忌無勞問姓名

淮南秋夜呈周侃一作呈同僚

天淨河漢高夜閑砧杵發清秋忽如此離恨應難歇風
亂池上萍一作螢 露光竹間月與君共遊處勿作他鄉別

林園秋夜作

林卧避殘暑白雲長在天賞心既如此對酒非徒然月
色偏秋露竹聲兼夜泉涼風懷袖裏茲意與誰傳

讀前漢外戚傳

人錄尚書事家臨御路傍鑿池通渭水避暑借明光印
綬妻封邑軒車子拜郎寵因宮掖裏勢極必先亡

崔亘

崔亘開元二十四年登進士第詩一首

春怨

夜盡夢初驚紗窗早霧明曉妝脂粉薄春服綺羅輕妾
有今朝恨君無舊日情愁來理弦管皆是斷腸聲

蔣維翰

蔣一作薛

蔣維翰登開元進士第詩五首

古歌二首

美人怨何深含情倚金閣不嗔一作笑復不語紅珠一作淚

雙雙一作紛紛落

美人閉紅燭獨坐裁新錦頻放剪刀聲夜寒知未寢

春夜裁縫

珠箔因風起飛蛾入最能不教人夜作方便殺明燈

春女怨

白玉堂前一樹梅今朝忽見數花

一作枝

開兒家門戶尋

常

一作重重

閉春色因何入得

一作緣得入

來

怨歌

百尺珠樓臨狹斜新妝能唱美人車皆言賤妾紅顏好
要自狂夫不憶家

萬楚

萬楚登開元進士第詩八首

小山歌

人說淮南有小山淮王昔日此登仙城中雞犬皆飛去
山上壇場今宛然世人貴身不貴壽共笑華陽洞天口
不知金石變長年謾在人間戀攜手君能舉帆至淮南
家住盱眙余先譜桐柏亂流平入海茱萸一曲沸成潭
憶記來時魂悄悄想見仙山衆峰小今日長歌思不堪
君行爲報三青鳥

題江潮莊壁

田家喜秋熟歲晏林葉稀禾黍積場圃櫨檠垂戶扉野

閑犬時吠日暮牛自歸時復落花酒茅齋堪解衣

詠簾

玳瑁昔稱華玲瓏薄絳紗鉤銜門勢曲節亂水紋斜日
弄長飛鳥風搖不卷花自當分内外非是為驕奢

茱萸女

山陰柳家女九日采茱萸復得東鄰伴雙為陌上姝插

枝著

一作花向

高髻結子置長裾

作一作忤

性常遲緩非關訝

一作

丈夫平明折林樾

一作樹

日入返城隅俠

一作賈

客要

羅袖行人挑短書蛾眉自有主年少莫踟蹰

五日觀妓

西施謾道浣春紗碧玉今時鬪麗華眉黛奪將萱草色
紅裙柘殺石榴花新歌一曲令人豔醉舞雙眸斂鬢斜
誰道五絲能續命却令今日死君家

驄馬

金絡青驄白玉鞍長鞭紫陌野遊盤朝驅東道塵恒滅
暮到河源日未闌汗血每隨邊地苦蹄傷不憚隴陰寒

君能一飲長城窟為報一作盡天山行路難

題情人藥欄

斂睂語芳草何許太無情正見離人別春心相向生

河上逢落花

河水浮落花花流東不息應見浣紗人為道長相憶

范朝

范朝開元中進士第詩二首

寧王山池

水勢臨階轉峰形對路開槎從天上得石是海邊來瑞

草分叢種祥花間色裁舊傳詞賦客唯見有鄒枚

題石甕寺

勝境宜長望遲春好散愁關連四塞起河帶八川流複
磴承香閣重巖映彩樓為臨溫液近偏美聖君遊

楊顥

楊顥登開元進士第詩一首

田家

小園足生事尋勝日傾壺時蔬利於鬻纔青摘已無四

鄰依一作因野竹日夕采其

一作共樵

枯田家心適時春色偏

桑榆

王諹

王諹登開元進士第官右補闕詩六首

後庭怨

君不見紅閨少女端正時夭夭桃李仙容姿幸得君王
憐巧笑披香殿裏薦蛾眉蛾眉雙雙人共進常恐妾身

從此擯甄妃為妬出層宮班女因猜下長信長信宮門
閉不開昭陽歌吹風送來夢中魂魄猶言是覺後精神
尚未迴念君嬌愛無終始使妾長啼後庭一作宮裏獨立

每看斜日盡孤眠一作一坐直至殘燈死秋日聞蟲翡翠簾

春晴照面鴛鴦水紅顏舊來花不勝白髮如今雪相似
傳聞紈扇恩未歇預想蛾眉上初月如君貴偽不貴真
還同棄妾逐新人借問南山松葉意何如北砌槿花生

夜坐看擗箏

調箏夜坐燈光裏却挂羅帷露纖指朱弦一一聲不同
玉柱連連影相似不知何處學新聲曲曲彈來未覩名
應是石家金谷裏流傳未滿洛陽城

長信怨

飛燕倚身輕爭人巧笑名生君棄妾意增妾怨君情日
落昭陽壁秋來長信城寥寥金殿裏歌吹夜無聲

閨情

日暮裁縫歇深嫌氣力微纔能收箇箇嬾起下簾帷怨

坐空然燭愁眠不解衣昨來頻夢見夫婿莫應知

十五夜觀燈

暫得金吾夜通看火樹春停車傍明月走馬入紅塵妓
雜歌偏勝場移舞更新應須盡記取說向一作與不來人

除夜

一作史青詩

今歲今宵盡明年明日催寒隨一夜一作臘去春逐五更

來氣色空中改容顏暗裏回風光人不覺已著後園梅

王岳靈

王岳靈登開元進士第天寶中累官至監察御史詩一

首

聞漏

建禮含香處重城待漏臣徐聞傳鳳詔曉唱辨雞人銀
箭殘將盡銅壺漏更新催籌當午夜移刻及三辰杳杳
從天遠泠泠出禁頻直疑殘漏曙肅肅對鈞陳

周萬一作吉萬

周萬其先汝南人後徙居永安黃岡宣州刺史擇從之

子開元末登第詩一首

送沈芳謁李觀察求仕進

自注云此君曾浪跡長安因以詩讓之

往日長安路歡遊不惜年爲貪盧女曲用盡沈郎錢身
老方投刺途窮始著鞭猶聞有知已此去不徒然

欽定四庫全書
欽定全唐詩卷一百四十六

集部

御定全唐詩卷一百四十六

陶翰

陶翰潤州人開元十八年擢進士第又擢宏詞科以冰壺賦得名官禮部員外郎詩一卷

古塞下曲

一作王
李友誤

進軍飛狐北窮寇勢將變日落沙塵昏背河更一戰醉駿
一作馬黃金勒琿弓白羽箭射殺左賢王歸秦未央殿

欲言塞下事天子不召見東出咸陽門哀哀淚如霰

燕歌行

請君留楚調聽我吟燕歌家在遼水

一作東

頭邊風意氣

多出身爲漢將正值戎未和雪中凌天山冰上渡交河

大小百餘戰封侯竟蹉跎歸來灞陵下故舊無相遇雄

劍委塵匣空門垂

一作惟

崔羅玉簾還趙女

一作殊

寶瑟一作瑤

付齊娥昔日不爲樂時哉今奈何

瑤琴

望太華贈盧司倉

行一作

到西華

乃觀三峯壯削成元氣中傑出天河

漢一作

上如有飛動色不知青冥狀巨靈安在哉厥跡猶

可望方此顧

一作歎

行旅

一作役

末由飭

一作訪

仙裝

裝唐韻側亮切

行裝也

或作使

葱龍記星壇明滅數雲嶂良友垂真契宿心

所微尚敢投歸山吟霞徑

一相訪

贈鄭員外

馳馬拂繡裳按兵遼水陽西分鴈門騎北逐樓煩王聞
道五軍集相邀百戰場風沙暗天起虜騎一作森已行
陣森已行

儒服揖

一作護

諸將雄謀吞大

一作八

荒金門來

一作求

見謁

朱紱生輝光數年

一作載

侍御史稍還

尚書郎人生志氣

立所貴功業昌何必守章句終年事鉛黃同時獻賦客

尚在東陵傍

贈房侍御

時房公
在新安

志士人

一作

固

一作故

不羈與道常周旋進則天下仰已之

能晏然褐衣東府召執簡南臺先雄義每特立犯顏豈

圖全謫居東南遠逸氣吟芳荃適會寥廓趣清波更夤

緣扁舟入五湖發纜洞庭前浩蕩臨海曲迢遙濟江懦
徵奇忽忘返遇興將彌年乃悟范生智足明漁父賢郡
臨新安渚佳賞此城偏日夕對層岫雲霞映晴川閑居
戀秋色偃臥含貞堅倚伏聊自一作相化行藏互推遷君
其振羽翮歲晏將一作欲冲天

晚出伊闕寄河南裴中丞

退無偃息資進無當代策冉冉時將暮坐為周南客前
登闕塞門永眺伊城陌長川黯已空一作暮千里寒氣白

家本

一作在

渭水西異日同所適秉志師禽尚微言祖莊

易

一辭林壑間共繫風塵役

交朋

一作才名

忽先進天道何

邑

多紛劇

豈念嘉遯時依依偶沮溺

送朱大出關

楚客西上書十年不得意平生相知者晚節心各異長
揖五侯門拂衣謝中貴丈夫多別離各有四方事拔劍
因高歌蕭蕭北風至故人有斗酒是夜共君醉努力強
加餐當年莫相棄

宿天竺寺

松柏亂巖口山西微徑通天開

一作關

一峰見宮闕生虛

空正殿倚霞壁千樓

一作上房

標石叢夜來猿鳥靜鐘梵響

一作寒雲中岑

一作翠峯

映湖

明

月泉聲亂溪風心超諸

境外了與懸解同明發惟改視朝日長崖東

一作明發氣候改起

視長崖東湖色濃蕩漾海光漸瞳朦葛仙迹尚在許氏道猶

崇獨往古來

今一作事

幽懷期二公

出蕭闊懷古

驅馬擊長劒行役至蕭關悠悠一作五原上永眺關河

前北虜三十萬此中常控弦秦城亘宇宙漢帝理一作埋

旌一作戎旃刁斗鳴不息羽書日夜傳五軍計莫就三

策議空全大漠橫萬里蕭條絕人煙孤城山一作當瀚海

落日照祈連愴矣苦寒奏懷哉式微篇更悲秦樓月夜
夜出胡天

南楚懷古

南國久蕪漫我來空鬱陶君看章華宮處處生黃蒿但

見陵與谷豈知賢與豪精魂托古木寶玉捐江臯倚棹
下晴景迴舟隨晚濤碧雲暮寥落湖上秋天高往事那
堪問此心徒自勞獨餘湘水上千載聞離騷

經殺子谷

扶蘇秦帝子舉代稱其賢百萬猶在握可爭天下權束
身就一劍壯志皆棄捐塞下有遺跡千齡人共傳疎蕪
盡荒草寂歷空寒煙到此盡垂淚非我獨潛然

早過臨淮

夜來三渚風

一作夜泊
三風渚

晨過臨淮島湖中海氣白城上

楚雲早鱗鱗魚浦帆漭漭蘆洲草川路日

一作白

浩蕩愁

焉心如擣且言任倚伏何暇念枯槁范子名屢移蘧公
志常保古人去已久此理今難

一作道

一作古人已云
難足道云此理誰足道

乘潮至漁浦作

艤棹乘早潮潮來如風雨樟臺忽已隱界峰莫及覩

嶂高忽已界

一作
峯暗莫及覩

崩騰心為失浩蕩目無主慙懨浪始聞

一作
風停浪

漾漾入魚浦雲景共澄霽江山相吞吐偉哉造

始聞

化工

一作靈

此事從終古流沫誠足誠商歌調易苦頗因

忠信全客心

一作念

猶栩栩

秋山夕興

山月松篠下月明山景鮮聊為高秋酌復此清夜弦晤語方獲志栖心亦彌年尚言興未逸更理逍遙篇

送集賢學士伊闕史少府敕放歸江東觀省

一作

慕母

潛詩

墨客鍾張侶材高吳越珍千門來謁帝駟馬去榮親吏

邑沿清洛鄉山指白蘋歸期應不遠當及未央春

送金卿歸新羅


奉義朝中國殊恩及遠臣鄉心遙渡海客路再經春落
日誰同望孤舟獨可親拂波衝木鳥偶宿泣珠人禮樂
夷風變衣冠漢制新青雲已干呂知汝重來賓

柳陌聽早鶯


一本題上有
奉試二字

忽來枝上囀還似谷中聲乍使香閨靜偏傷遠客情間
闕難辨處斷續若頻驚玉勒留將久青樓夢不成千門

候曉發萬井報春生徒有知音賞慙非臯鶴鳴



御定全唐詩卷一百四十六



總校官庶吉士臣 張能照

校對官檢討臣 蕭九成

謄錄監生臣 朱文佐